



*I atlec ladins fej bela parüda al Gran Pest d'Europa ia en Funes cun posiziuns scialdi tla pert alta de tlassifica*

Do i mondiai de lüsa alta tignis l'edema denant tl'Austria, s'á le szenar dla lüsa sposté a Funes por la tredicejima ediziun dl Gran Pest d'Europa. Le fräsch campion dl monn da Lijun, Roman Kaser, é indo le plö asvelt y dominëia la pista "Ranuier Rungg", mostran sö le tēmp de 2:03,10. Al à insciö fat só le scalin plö alt dl podest.

A raprezenté la Talia te chësta gara internazionala, é sambëgn ince sta i atlec ladins, che s'á posizioné tla pert alta dles tlassifiches arjunjon ince val podest. Jun daimprò ia cun i resultac: tla categoria juniores à les dōes atletes Nagler Luisa da Lungiarü y Rubatscher Manuela da La Val podü trà n salt sōn podest a podëi pié dô rispetivamënter la medaia de arjënt y chëra de brom. Tla categoria dles ëres generala arjunj Brunner Shamira le buniscimo 4. post de pūch do l'austriaca Larcher Victoria.

Na bela sodesfaziun à podü se tó le jonn atlet da La Val Ploner Alex, che à porté a ciasa n buniscimo 5. post tla categoria juniores. Capaze pó ince ester Miribung Carlo por avëi fat le cuarto miú tēmp tla categoria master II. Knollseisen Kurt se posizionëia al 8. post pro i Master I y Rubatscher Florian al 10. post pro la tlassifica generala di ëi.

Al momënt dominëia la nazionalité taliana le szenar dla lüsa alta, chiló pon ester capazi da udëi i bugn resultac che vëgn in gran pert ince arjunc da atlec ladins.

Sōn le program dla lüsa restel ma plō dōes gares, in chësc fin dl'edema, la dumënia ai 28 de furá vëgnel tignì la finala dles trëi gares de Copa de Südtirol, plō avisa ia en Plan de Gralba.

I plazamënc dl Gran Pest d'Europa ciafen a chesc link: [risultati](#)

Por deplō informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>





Per altres foto: [Dropbox](#)